



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format


**Adapt** — remix, transform, and build upon the material

B.T.O.


897

1842

1. 2. 3. 4.



*Handwritten signature in blue ink, possibly reading 'G. W. ...'*





ԱՆՏՕՆ ԶԵԽՈՎ

25 NOV 2010

891.71-3

9-34  
ար

№ 8912


05 FEB 2007

# Գ Ր Ա Ձ

1002  
5075  
2001



Թարգմ. Տ. Վ.





1903 07 12 2018

12643

Дозволено Цензурою  
7-го Октября 1903 года, г. Тифлисъ.

## Գ Ր Ա Ձ

### I.

Աշնանային, մութ գիշեր էր: Ծերունի սեղանաւորն իւր սենեակում անկիւնից-անկիւն էր գնում գալիս և լիշում, թէ ինչպէս տասն և հինգ տարի սորանից առաջ, աշնանը խնջուք էր սարքել: Այդ երեկոյթին ներկայ էին բազմաթիւ խելօք անձինք և շատ հետաքրքրական հարցեր էին շոշափւում: Ի միջի այլոց խօսում էր և մահուան պատժի մասին: Հիւրերը, որոնց մէջ սակաւաթիւ չէին և գիտնականներ ու լրագրողներ, մեծ մասամբ մահուան պատժին վերաբերում էին բացասաբար: Նոքա այդ եղանակ պատիժն արգէն հրնացած, քրիստոնեայ պետութիւնների համար անհամապատասխան և անբարոյական էին համարում: Նոցանից ոմանց կարծիքով մահուան պատժին ամեն տեղ անհրաժեշտ էր փոխարինել ց'մահ բանտարկութեամբ:

— Ես ձեզ հետ համաձայն չեմ, սապ տան տէր սեղանաւորը: Ես չեմ փորձել ոչ մահուան-



պատիժը, և ոչ ց'մահ բանտարկութիւնը, բայց եթէ դատելու լինենք à priori, այն ժամանակ, ըստ իս, մահուան պատիժն աւելի բարոյական է և մարդասիրական, քան բանտարկութիւնը: Մահուան պատիժն սպանում է միանգամից, իսկ ցըմահ բանտարկութիւնը հետզհետէ: Ձեզ եմ հարցնում. ո՞ր դահիճն է առաւել մարդասէր: Նա, որ ձեզ կսպանէ մի քանի ընդհանր մէջ, թէ նա, որ ձեր կեանքը դուրս կկորցէ տարիների ընթացքում:

—Թէ մէկը և թէ միւսը հաւասարապէս անբարոյական է,—նկատեց հիւրերից մէկը,—որովհետեւ երկուսն էլ միևնոյն նպատակն ունեն' խլել կեանքը: Պետութիւնը—Ստուաճ չէ: Նա իրաւունք չունի խլել ինչ որ անկարող է կրկին վերադարձնել, եթէ կամենայ:

Հիւրերի թուում կար և մի իրաւաբան, մօտ քսան և հինգ տարեկան մի երիտասարդ: Երբ նորա կարծիքը հարցրին, նա պատասխանեց.

—Թէ մահուան պատիժը և թէ ց'մահ բանտարկութիւնը հաւասարապէս անբարոյական է, բայց, եթէ ինձ առաջարկէին ընտրել մահուան պատիժ կամ ց'մահ բանտարկութիւն, այն ժամանակ, ի հարկէ, ես երկրորդը կընտրէի: Կեանքը, ինչպէս էլ ապրելու լինինք, աւելի լաւ է, քան չապրելը:

Տաք վիճաբանութիւն սկսուեցաւ: Սեղանա-

ւորը, որ այն ժամանակ առաւել երիտասարդ ու ջղալին էր, յանկարծ չափազանց տաքացաւ, բըռունցքով սեղանին զարկեց և գոչեց, դառնալով երիտասարդ փաստաբանին.

— ձշմարիտ չէ: Գրազ եմ գալիս ձեզ հետ երկու միլիոնով, որ դուք հինգ տարի անգամ բանտում նստելու համբերութիւն չէք ունենալ:

— Եթէ լրջութեամբ էք ասում այդ,—պատասխանեց իրաւաբանը,—ապա գրազ եմ գալիս, որ կ'նստեմ ոչ միայն հինգ, այլ նոյն իսկ տասնև հինգ տարի:

— Տասնևհինգ. համաձայն եմ,—գոչեց սեղանաւորը:—Պարոններ, դնում եմ երկու միլիոն:

— Համաձայն եմ: Դուք դնում էք երկու միլիոն, իսկ ես իմ ազատութիւնս,—ասաց փաստաբանը:

Եւ այդ վայրենի, անմիտ գրազն ընդունուեցաւ: Սեղանաւորը, որ այն ժամանակ իւր միլիոնների հաշիւը չգիտէր, երես առած և թեթևսօլիկ, հրճուած էր իւր գրազով: Ընթրիքի ժամանակ նա դուարճաբանում էր ի հաշիւ փաստաբանի և ասում.

— Խեղճի եկէք, երիտասարդ պարոն, քանի ուշ չէ: Ինձ համար երկու միլիոնը մի չնչին բան է, իսկ դուք ձեր կեանքի երեք—չորս լաւագոյն տարիների հետ էք խաղում: Ստուճ եմ երեք-չորս, որովհետեւ դուք համբերութիւն չէք ունենայ ա-



ուաւել երկար նստելու: Մի մոռանաք, զժբնորդ, որ կամաւոր արգելանքն առաւել ծանր է պարտաւորիչ բանտարկութիւնից: Այն միտքը, որ դուք իւրաքանչիւր ըոպէ իրաւունք ունիք ազատութիւն գտնելու, բանտում ձեր կեանքը կթունաւորէ: Ես ցաւում եմ ձեզ վրայ:

Եւ այժմ սեղանաւորը անկիւնից-անկիւն քայլելով, լիշում էր այդ բոլորը և հարցնում ինքն իրեն:

— Ի՞նչ միտք ունէր այս գրագը: Ի՞նչ օգուտ, թէ իրաւաբանը տասնևհինգ տարի կորցրեց իւր կեանքից, իսկ ես երկու միլիօն եմ դուրս նետում: Կարո՞ղ է այդ բանն ապացուցանել մարդիկներին, որ մահուան պատիժն աւելի վատթար կամ աւելի լաւ է ց'մահ բանտարկութիւնից: Ոչ և ոչ: Անմտութիւն և լիմարութիւն: Իմ կողմից դա զեղխացած ու լղփացած մարդու ըոպէական քմահաճօլք էր, իսկ փաստաբանի կողմից—պարզ դրամական ազահութիւն...

Այդ նա լիշեց, թէ ինչ պատահեց նկարագրած երեկոյից չետոյ: Վճռուեցաւ, որ փաստաբանը իւր բանտարգելութիւնը պիտի կրէ սեղանաւորի պարտիզում շինուած մի առանձին շէնքի մէջ, ամենախիստ հսկողութեան տակ: Պայմանաւորուեցան, որ տասնևհինգ տարուայ ընթացքում նա զրկուած պիտի լինի իւր բնակարանի շէմքից

դուրս ոտք կոխելուց, մարդիկներ տեսնելուց, մարդկային ձայն լսելուց և նամակներ ու լրագիրներ ստանալուց: Նորան իրաւունք էր տրուած ունենալ երաժշտական գործիք, կարգալ գրքեր, նամակներ գրել, գինի խմել և ծխել: Արտաքին աշխարհի հետ ըստ պայմանի, նա կարող էր յարաբերութիւն ունենալ, միայն լուռ ու մունջ, մի փոքրիկ պատուհանի միջով, որ յատկապէս այդ բանի համար էր շինուած: Ամեն բան, ինչ որ պէտք էր,—գրքեր, երաժշտական խաղեր, գինի և այլն, նա կարող էր ստանալ տոմսակով ինչ քանակութեամբ որ ցանկանար, միայն լուսամուտի միջից: Պայմանը նախատեսած էր ամեն մանրամասնութիւն և չնչին հանգամանք, որով բանտարկութիւնը խիստ միակեցիկ էր դարձնում և պարտաւորեցնում էր փաստաբանին նստել ուղիղ տասնևհինգ տարի, այն է 1870 թ. նոյեմբերի 14-ի առաւօտեան 12 ժամից մինչև 1885 թուականի նոյեմբերի 14-ի առաւօտեան 12 ժամը: Փաստաբանի կողմից պայմանը խախտելու ամենաչնչին փորձը, նոյն իսկ պայմանաժամից երկու ըոպէ առաջ, սեղանաւորին ազատ էր կացուցանում երկու միլիօնը վճարելու պարտաւորութիւնից:

Բանտարգելութեան առաջին տարին փաստաբանը, որ չափ կարելի էր դատել նորա համառօտ տոմսերից, սաստիկ նեղուած էր միայնակութիւնից



և ձանձրութիւննից: Նորա բնակարանից օր ու գիշեր շարունակ դաշնակի ձայն էր լսուում: Նա հրաժարուեցաւ գինուց և ծխախոտից: Գինին, գրում էր նա, գրգռում է ցանկութիւններ, իսկ ցանկութիւնները — բանտարկեալի առաջին թշնամիներն են. աւելացնենք և այն, որ լաւ գինի խմել ու ոչ ոքի չտեսներուց աւելի ձանձրալի բան լինել չէ կարող: Իսկ ծխախոտը նորա սենեակի օդն է ապականում: Առաջին տարին փաստաբանն ստանում էր առաւել թեթեւ բովանդակութեամբ գլրքեր, — սիրային բարդ ու կնճռալի իմաստով վէպեր, քրէական և երեակայական պատմուածքներ, կատակերգութիւններ և այլն:

Երկրորդ տարին առանձնական բնակարանում այլևս չէր լսուում դաշնակի ձայն և փաստաբանը իւր տոմսակներով պահանջում էր դասական երկեր: Հինգերորդ տարին նորից լսուեցաւ դաշնակի ձայնը և բանտարկեալը խնդրեց գինի ուղարկել: Նոքա, որոնք գիտում էին նորան լուսամուտից, պատմում էին, որ այդ ամբողջ տարին նա միայն ուտում, խմում և պառկած էր անկողնի վրայ, յաճախ յօրանջում էր, զայրացած խօսում ինքն իրեն: Գրքեր չէր կարդում: Երբեմն գիշերները նստում էր գրելու. գրում էր երկար և առաւօտեան դէմ բոլոր գրածները մանր բզկթում: Յաճախ էին լսում, թէ ինչպէս լալիս էր նա:

Վեցերորդ տարուայ երկրորդ կիսամեկին նա մեծ եռանդով սկսեց ուսումնասիրել լեզուներ, փիլիսոփայութիւն և պատմութիւն: Նա ագահութեամբ կպել էր այդ գիտութիւններին և սեղանաւորը հազիւ էր կարողանում նոր գրքեր բերել տալ նորա համար: Չորս տարուայ ընթացքում, նորա պահանջմամբ, բերել տրուեցաւ մօտ վեց հարիւր հատոր: Այդ յափշտակութեան շրջանում սեղանաւորը ի միջի այլոց ստացաւ այսպիսի մի նամակ. — «Իմ յարգելի բանտապետ. Այս տողերը գրում եմ ձեզ վեց լեզուով: Տոյց տուէք այդ ձեռքնհաս և գիտակ անձանց: Թող կարդան: Եթէ նոքա այդտեղ ոչ մի սխալ չեն գտնիլ, ապա աղաչում եմ ձեզ, հրամայեցէք որ պարտիզում հրազէն պարպեն: Հրազէնի ձայնը ինձ կասէ, որ իզուր չեն կորել իմ ջանքերը: Ի՞նչոր դարերի և բոլոր երկիրների հանճարները խօսում են զանազան լեզուներով, բայց նոցա բոլորի մէջ ևս նոյն հուրն է բոցավառուում: Օ՛, եթէ դուք իմանալիք, թէ ի՞նչ երկնային բաղտաւորութեամբ է համակուած հոգիս այն զգացմամբ, որ ես նոցա բոլորին ևս հասկանում եմ»: Կալանաւորի ցանկութիւնը կատարուեցաւ: Սեղանաւորը հրամայեց պարտիզում երկու անգամ հրազէն պարպել:

Տասներորդ տարուց յետոյ փաստաբանը անշարժ նստած էր սեղանի մօտ և միայն Աւետա-



րան էր կարգում: Սեղանաւորի համար օտարօտի էր թւում, որ մի մարդ, որ չորս տարուայ ընթացքում կարողացել է վեց հարիւր հատոր գիտական գրքեր կլանել, մօտ մի տարի էր կորցնում մի շատ դիւրըմբռնելի և բարակ գրքի վրայ: Աւետարանին յաջորդեցին կրօնների պատմութիւնն ու աստուածաբանութիւնը:

Բանտարդելութեան վերջին երկու տարուայ ընթացքում կալանաւորը խիստ շատ էր կարգում, և կարգում էր առանց որևէ ընտրութեան: Երբեմն նա զբաղւում էր բնական գիտութիւններով, երբեմն պահանջում էր Բայրըն կամ Շէքսպիր: Այնպիսի տոմսեր էր գրում, որով պահանջում էր միաժամանակ և բնալուծութեան և բժշկական ձեռնարկ, և վէպ և որևէ փիլիսոփայական կամ աստուածաբանական գիտական քննադատութիւն: Նորա ընթերցանութիւնը նմանում էր այն բանին, որ իբր նա լողում էր ծովում իւր խորտակուած նաւի բեկորների մէջ և, կամենալով ազատել իւր կեանքը, ազահուլութեամբ վրայ էր պրծնում բռնելու մի կամ միւս բեկորը:

## II.

Ծերունի սեղանաւորը լիշում էր այս բոլորը և մտածում.

«Վաղը ժամը 12-ին նա ազատութիւն է ըս-

տանում: Պայմանի համաձայն, ես պարտաւոր եմ երկու միլիօն հատուցանել նորան: Եթէ ես հատուցանեմ, ապա ամեն ինչ կորած է,— ես բոլորովին տնաքանդ կլինիմ . . . »:

Տասնևհինգ տարի առաջ նա իւր միլիօնների հաշիւը չգիտէր. իսկ այժմ նա վախենում էր ինքն իրեն հարցնելուց, ինչ ունի աւելի,— պարտք թէ դրամ: Սակարանի (բորսա) յանդուգն խաղերը, վտանգաւոր շահադիտական ձեռնարկութիւնները և բռնկուող բնաւորութիւնը, որից չկարողացաւ ազատուել նոյն իսկ ծերութեան ժամանակ, կամաց-կամաց նորա գործերը անկման հասցրին և աներկիւղ, ինքնավստահ, հպարտ մեծատունը դարձել էր միջին կարգի սեղանաւոր, որի գոզն է բռնում արժէթղթերի գների իւրաքանչիւր աճում ու նուազումից:

— Սնի՛ծեա՛լ գրագ, — փնթփնթում էր ծերուկը և յուսահատութիւնից մազերը փետում: — Ինչո՞ւ չմեռաւ այն մարդը: Նա դեռ ևս քառասուն տարեկան է: Իմ վերջին ունեցածս կառնէ, կամուսնանայ, կզուարճանայ և կվայելէ կեանքը, կխաղայ սակարանում, իսկ ես՝ ինչպէս մի աղքատ, ողորմելի, ամեն օր նախանձով պիտի դիտեմ նորան և լսեմ նորանից միևնոյն խօսքերը. «Ես իմ բազտաւորութիւնը ձեզ եմ պարտական, թոյլ տուէք օգնել ձեզ»: Ո՛չ, սա արդէն չափազանց է:



Մնանկութիւնից և խայտառակութիւնից ազատուելու միակ միջոցը—այդ մարդու մահն է:

Ժամը երեքը խփեց: Սեղանաւորը ուշադրութեամբ ահանջ էր դնում. տանն ամենքը քնած են և լսելի էր միայն թէ ինչպէս դուրսը ցրտահար ծառերը սոսափում էին:

Աշխատելով ոչ մի ձայն-ծայտուն չհանել, նա անկիզբէի արկղից հանեց այն դռան բանալին, որ տասնևհինգ տարի չէր բացուել, հազաւ վերարկուն և տնից ելաւ:

Պարտիզում մութ էր և ցուրտ: Անձրև էր գալիս: Սուր, կծու խոնաւ քամին փչում էր պարտիզում և հանգիստ չէր տալիս ծառերին: Սեղանաւորը ամբողջապէս տեսողութիւն էր դարձել. բայց չէր կարողանում տեսնել ոչ գետինը, ոչ սպիտակ անդրիները, ոչ առանձնակ բնակարանը, ոչ ծառերը: Մօտենալով այն տեղին, ուր զրտնում էր բանտարկեալի առանձնակ բնակարանը, նա երկու անգամ կանչեց պահապանին: Պատասխան չկար: Անկասկած, պահապանը փոխել էր անտանելի եղանակի երեսից և այժմ մրափում էր կամ խոհանոցում և կամ ջերմոցի մի անկիւնում:

«Եթէ ես արիութիւն ունենամ կատարելում մտադրութիւնս, — մտածեց ծերուկը, — ապա կասկածն ամենից առաջ պահապանի վրայ կընկնի»:

Մթութեան մէջ շօշափեց աստիճանները և

դուռը և մտաւ առանձնակի նախասենեակը, ապա խարխափելով հասաւ մի փոքր միջանցք և լուցկի վառեց: Ոչ ոք չկար: Ինչ որ մահճակալ էր դրուած, առանց անկողնի, իսկ անկիւնում սևին էր տալիս թափծայ (չուգունէ) վառարանը: Կայանաւորի սենեակի դռների կնիքներն անվնաս էին:

Երբ լուցկին մարեց, ծերուկը, լուցումից ամբողջապէս դողալով, փոքրիկ լուսամուտի միջից ներս նայեց:

Կայանաւորի սենեակում մոմը սղօտ վառում էր ինքը՝ կայանաւորը նստած էր սեղանի մօտ: Նշմարում էր միայն մէջքը, գլխի մազերը և ձեռքը: Սեղանի, երկու բազկաթոռների և գորգի վրայ ընկած էին բաց գրքեր:

Անցաւ հինգ ըոպէ, բայց կայանաւորը ոչ մի անգամ չչարժուեցաւ: Տասն և հինգ տարուայ արգելանքը սովորեցրել էր նորան անշարժ նստելը: Սեղանաւորը մատով թխկթխկացրեց լուսամուտը, բայց կայանաւորը այդ ձայնին ևս չպատասխանեց ոչ մի շարժումով: Այն ժամանակ սեղանաւորը զգուշութեամբ պոկեց դռան կնիքները և բանալին փականքի ծակն անցրեց: Ժանգոտած փականքը խռպոտ ձայն հանեց և դուռը ճռռաց: Սեղանաւորը սպասում էր, որ ահա կլսուի զարմացման բացականչութիւն և քայլեր, բայց երեք ըոպէ անցաւ իսկ դռան միւս կողմը նախկին լուռութիւն



էր տիրում: Նա վճռեց ներս մտնել:

Սեղանի առաջ նստած էր մէկը, որ ամենևին նման չէր սովորական մարդիկներին: Կա մի կրմախք էր, որ լոկ միայն մորթով էր պատած, երկար կանացի հիւսակներով և թանձր մօրուսով: Դէմքը դեղին էր, հոդի գոյն ստացած, այտերը խոր ընկած, թիկունքը երկար և նեղլիկ, իսկ այն բազուկը, որի վերայ յենած էր գլուխը, մինչ այն աստիճան բարակ էր և նիհար, որ նայել չէր կարելի: Ալիքն արդէն փայլում էր նորա մազերում և դիտելով այդ հիւժուած, զառամեալ դէմքին, ոչ ոք չէր հաւատայ, որ նա միայն քառասուն տարեկան է: Նա քնած էր... Նորա խոնարհած գլխի առաջ մի թերթ թուղթ կար, որի վրայ, խիստ մանր գրով, ինչ որ բան էր գրուած:

«Ողորմելի մարդ, — մտածեց սեղանաւորը: Քնած է և անշուշտ միլիոններ է երազում: Սակայն բաւական է միայն, որ վերցնեմ այս կիսամեռին, ձգեմ անկողնի վրայ բարձր թեթեակի բերնին սիւմեմ և ամենաբարեխիղճ բժշկական քննութիւնն իսկ անկարող կլինի բռնի մահուան հետքեր գտնել: Բայց, նախ կարդանք թէ ինչ է գրել սորա վրայ...»

Սեղանաւորը վերցրեց սեղանի վրայից թերթը և կարդաց հետեւեալը

— Վաղն առաւօտեան 12 ժամին ես ազա-

տութիւն պիտի ստանամ, ինչպէս և մարդկանց հետ յարաբերութիւն ունենալու իրաւունք: Բայց նախ քան ես կըլթողնեմ այս սենեակը և արև կը տեսնեմ, ես պարտք եմ համարում ձեզ մի քանի խօսք ասել: Մաքուր խղճով և Աստուծոյ առաջ, որ տեսնում է ինձ, յայտնում եմ ձեզ, որ ես ատում եմ և ազատութիւնը, և կեանքը, և առողջութիւնը և այն ամենը, ինչ որ ձեր գրքերի մէջ աշխարհային բարիք է կոչուում:

«Տասն և հինգ տարի շարունակ ես ամենայն ուշադրութեամբ ուսումնասիրեցի երկրային կեանքը: Ծշմարիտ է, ես չեմ տեսել ոչ աշխարհը, ոչ էլ մարդկանց, բայց ձեր գրքերի մէջ ես խմել եմ նեկտար և անուշաբույր գինի, երգել եմ երգեր, անտառներում սլացել եմ եղջերուների և վայրի վարագների յետևից, սիրել եմ կանանց... Ձեր հանճարեղ բանաստեղծների կախարդանքով ստեղծագործած ամպի չափ թեթև, եթերային գեղեցկուհիները ինձ այցելում էին գիշերները և հրաշագուն հէքեաթներ էին մըմնջում ականջիս, որից արբենում էր գլուխս: Ձեր գրքերի մէջ ես էլբրուսի և Սոնբլանի գազաթներն էի սաւառնում և այնտեղից դիտում, թէ ինչպէս առաւօտները ծագում էր արևը և ինչպէս երեկոները նա ոսկեգօծում էր երկինքը, ովկիանոսը և լեռնային կատարները իւր ծիրանեգոյն բոսորով. ես տեսնում



էի այնտեղից, թէ ինչպէս իմ գլխավերևս, ամպերը ճեղքելով, փայլատակում էր կայծակը. տեսնում էի սաղարթագեղ անտառներ, դաշտեր, գետեր, լճեր, քաղաքներ, լսում էի յուշկապարիկների ու համբարունների հրաշալի երգերը և հովուական սրինգների դայլայլիկները, շօշափում էի գեղանի դեերի թևերը, որոնք թռչում, ինձ մօտ էին գալիս զրուցելու Աստուծոյ մասին... Ձեր գրքերում ես անյատակ անդունդներն էի գահավիժում, հրաշքներ կատարում, սպանում, քաղաքներ հրոյ ճարակ դարձնում, նոր կրօններ քարոզում, ամբողջ հարստութիւններ, պետութիւններ նուաճում...

«Ձեր գրքերն ինձ իմաստութիւն պարգևեցին: Այն ամենն, ինչ որ մարդկային յոգնաշխատ միտքը դարերով է ստեղծագործել, իմ գանգի մէջ սեղմուած է մի փոքրիկ կռէթի, կտորի մէջ: Ես գիտեմ, որ ձեզնից՝ ամենքիցդ ևս խելօք եմ:

«Եւ ես արհամարում եմ ձեր գրքերը. արհամարում եմ ողջ աշխարհի բոլոր բարեքներն ու իմաստութիւնը: Ամեն ինչ դատարկ է, եղծանելի ու ապականացու, ցնորական ու խաբուսիկ, ինչպէս շամանդադ: Վնաս չկայ, որ դուք հպարտ էք, իմաստուն և գեղեցիկ, բայց մահը ձեզ էլ կսրբէ կտանէ աշխարհիս երեսից, ինչպէս յատակի տակ ծածկուած մկներին, իսկ ձեր սերունդը,

պատմութիւնը, ձեր հանճարների անմահութիւնը կսառչին կամ կայրուին երկրագնդի հետ:

«Դուք խելայեղ էք դարձել, լիմարացել և զնում էք ոչ հարկաւոր ուղղութեամբ: Ստութիւնը դուք իբր ճշմարտութիւն էք ընդունում և տձևութիւնն՝ իբր գեղեցկութիւն: Դուք կգարմանայիք, տնշուշտ, եթէ որևէ հանգամանքի շնորհիւ խնձորենիների կամ նարնջենիների վրայ նոցա յատուկ պտուղների փոխարէն գորտեր և խլէզներ բանէին կամ թէ վարդերը քրտնած ձիու հօտ տալ սկսէին. ճիշտ այդպէս էլ ես եմ զարմանում ձեզ վրայ, որ երկինքը երկրի հետ էք փոխել: Ես չեմ կամենում ըմբռնել ձեզ:

«Որպէս զի գործով ապացուցանեմ թէ արհամարհում եմ այն, ինչով դուք էք ապրում, ես հրաժարում եմ երկու միլիօնից, որի մասին երբեմն երագում էի, ինչպէս զբախտի մասին, և որ այժմ արհամարհում եմ: Որպէս զի այդ երկու միլիօնն ստանալու իրաւունքից զրկուիմ, ես դուրս կգամ այստեղից պայմանաժամից հինգ ժամ առաջ և այդպիսով կխախտեմ պայմանը...»:

Կարգալով այդ բոլորը սեղանաւորը թերթը կրկին սեղանի վրայ դրեց, համբուրեց օտարօտի մարդու գլուխը, արտասուեց և ելաւ նորա բնակարանից: Երբէք, մի այլ ժամանակ, նոյն իսկ սակարանում սաստիկ տանուլ տալուց յետոյ, նա

10025  
10025



երբէք այնքան խիստ արհամարանք չէր զգացել զէպի իւր անձը, ինչպէս այդ բոպէին: Տուն դառնալով, նա անկողին մտաւ, բայց լուզումն ու արտասուքը երկար ժամանակ չէին թողնում, որ նա քնէ . . .

Հետեւեալ օրն առաւօտեան դալկահար պահապանները վազելով եկան յայտնեցին նորան, թէ ինչպէս տեսան իրենք, որ առանձնակ բնակարանում ապրող մարդը լուսամուտից պարտէզ թռաւ, զնաց զէպի դարբասը և անյայտացաւ: Սեղանաւորն իսկոյն, ծառաների հետ, զնաց բանտարկեալի կացարանը և հաւաստիացաւ, որ իւր բանտարկեալը փախել է: Որպէս զի աւելորդ տարածայնութիւնների տեղիք չտրուի, նա սեղանից վերցրեց հրաժարման թերթը և, տուն դառնալով, դրեց անկիզելի արկղի մէջ:





«Ազգային գրադարան»



NL0316469



12.643

891.71

9-34